

Mostar, 04.05.2007. godine
Broj: 200/07

ZAKLJUČCI
SA SJEDNICE PREDSDJEDNIŠTVA
SAVEZA OPĆINA I GRADOVA F BiH

U Mostaru je dana 04.05.2007. godine održana Prva konstituirajuća sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je 11 članova, i to:

1. **Ljubo Bešlić**, gradonačelnik Grada Mostara,
2. **Hasan Ajkunić**, načelnik općine Bugojno,
3. **Jasmin Emrić**, načelnik općine Bužim,
4. **Rasim Omerović**, načelnik općine Kalesija,
5. **Izet Bašić**, načelnik općine Zavidovići,
6. **Zdravko Prka**, načelnik općine Tomislavgrad,
7. **Mustafa Kurtović**, načelnik općine Goražde,
8. **Amer Čenanović**, načelnik općine Ilidža,
9. **Đuro Topić**, načelnik općine Orašje,
10. **Ante Bošnjak**, načelnik općine Posušje,
11. **Emir Bubalo**, načelnik općine Konjic.

Pored gore navedenih, sjednici su prisustvovali i: g-din **Ferhat Mustafić**, načelnik općine Gradačac i Predsjedavajući Skupštine Saveza, gđa **Vesna Travljanin**, Sekretar Saveza, g-din **Salem Dedić**, načelnik općine Jablanica, g-din **Andrija Kraljević**, pomoćnik načelnika za gospodarstvo, općina Široki Brijeg, g-din **Slaviša Šućur**, GAP, g-din **Predrag Šupljeglav**, pomoćnik Gradonačelnika, Grad Mostar, g-din **Muhanović Nedžad**, BOMS-expo, Zenica, g-đica **Elvira Imširović**, stručni saradnik za pravna pitanja, g-din **Edin Demirović**, stručni saradnik za lokalnu samoupravu i g-đica **Šejla Hasić**, stručni saradnik za projekte.

Predsjednik Predsjedništva, g-din **Ljubo Bešlić**, pozdravlja prisutne i konstatuje da je sjednici prisutno 11 od 13 članova sa pravom glasa te da se mogu donositi pravosnažne odluke. Potom, g-din **Bešlić** stavlja na razmatranje i glasanje Dnevni red sjednice. Dnevni red je jednoglasno usvojen.

G-din **Bešlić** stavlja na raspravu sve tačke Dnevnog reda. Na osnovu rasprava su usvojene slijedeće odluke i zaključci:

1. Poslovnik o radu Predsjedništva je jednoglasno usvojen.
2. Zaključeno je da će sve sjednice Predsjedništva biti tematske sjednice koje će se održavati u općinama članicama, te će se na istim odlučivati o raznim stavovima koje će Savez zauzeti u odnosu na teme aktuelne za jedinice lokalne samouprave.
3. Da za slijedeću sjednicu Predsjedništva, Sekretar Saveza, gđa Vesna Travljanin pripremi budžetni plan za 2007. godinu i plan uplate čanarina (Odluka o članskom doprinosu usvojena na sjednici

Skupštine u Gradačcu 22.03.2007. godine) kako bi Predsjedništvo zauzelo zajednički stav. Naglašeno je da ova tema bude prva tačka Dnevnog reda slijedeće sjednice Predsjedništva.

4. Da Stručna Služba Saveza, uz pomoć eksperata iz općina, usaglasi sve akte Saveza u datom zakonskom roku.
5. Da Stručna služba Saveza za slijedeću sjednicu Predsjedništva pripremi prezentaciju za projekat „Partnerstvo gradova“ kako bi Predsjedništvo razmatralo i usvojilo ovaj projekat.
6. Da Savez općina i gradova F BiH podnese zahtjev prema višim nivoima vlasti za osnivanje Ministarstva za lokalnu samoupravu na nivou Federacije BiH.
7. Da se u slijedećih deset dana konstituišu sve skupštinske Komisije Saveza kako bi mogli obavljati svoje funkcije, te raditi na zakonima od interesa za jedinice lokalne samouprave, i da Predsjedništvo pruži punu podršku Komisijama u njihovom radu.
 - a. Komisiji za razvoj i unapređenje lokalne samouprave povjerava se rad na izmjeni Zakona o principima lokalne samouprave;
 - b. Komisiji za prostorno uređenje, sambeno-komunalne djelatnosti i zaštitu životnog okoliša povjerava se rad na izmjeni Zakonu o koncesijama;
 - c. Komisiji za ekonomski razvoj općina i gradova povjerava se rad na Zakonu o dugu, zaduživanju i garancijama;
 - d. Komisiji za ustavna i zakonodavna pitanja povjerava se rad na preradi svih zakona na kojima rade druge komisije.

Da se za slijedeću sjednicu Predsjedništva pripreme materijali ovih Zakona kako bi se mogao zauzeti jedinstven stav, te da se zahtjeva da se ovi zakoni razmatraju po hitnom postupku.
8. Da se Stručna služba Saveza uključi i prati rad federalnog i državnog Parlamenta kako bi bili na vrijeme informisani o zakonima koji se tiču lokalnih jedinica, i kako bi mogli blagovremeno reagovati na iste.
9. Jednoglasno je odlučeno da se za članove Koordinacionog tijela ispred Saveza općina i gradova Federacije imenuju, g-din **Ljubo Bešlić**, Gradonačelnik Grada Mostara, gđa **Semiha Borovac**, Gradonačelnica Grada Sarajeva, g-din **Ferhat Mustafić**, načelnik općine Gradačac i g-din **Hasan Ajkunić**, načelnik općine Bugojno.
10. Jednoglasno je zaključeno da se Sekretar Saveza, g-đa **Vesna Travljanin** imenuje Oficirom za vezu NALAS.
11. Jednoglasno je odlučeno da se za slijedeću sjednicu Predsjedništva pripreme svi materijali oko imenovanja članova za CLARE, kako bi Predsjedništvo imenovalo članove za CLARE Dom lokalnih vlasti.
12. Inicijativa Grada Mostara i Širokog Brijega da se Savez obrati Regulatornoj komisiji za električnu energiju Federacije Bosne i Hercegovine (FERK) da smanji visinu cijene električne energije za utrošak javne rasvjete je jednoglasno usvojena.
13. Inicijativa općine Široki Brijeg da se Savez obrati nadležnim tijelima u cilju smanjenja cijena oglašavanja kod JP NIO „Službeni List“ je jednoglasno usvojena.

14. Inicijativa općine Zavidovići da Savez organizuje edukacije općina na primjenu člana 25. stav 2. Zakona o budžetima u Federaciji („Službene novine F BiH“, broj 19/06) je jednoglasno usvojena.
15. Inicijativa općine Jablanica da Savez podrži Zaključke Općinskog vijeća Jablanica o utvrđivanju Prijedloga granice područja obilježja Nacionalnog parka „Prenj, Čvrstica, Čabulja“ na području općine Jablanica je jednoglasno usvojena.
16. Potpisivanje Sporazuma o saradnji sa Direkcijom za evropske integracije je jednoglasno usvojeno. Sporazum će potpisati Predsjednik Predsjedništva, g-din Ljubo Bešlić a pored Sekretara Saveza, gđe **Vesne Travljanin** veza sa direktijom će biti i g-din **Mustafa Kurtović**, načelnik općine Goražde.
17. Odluka o održavanju manifestacije „Otvorena vrata općina/opština i gradova BiH“ u Gradačcu, 20.06.-22.06.2007. godine je jednoglasno podržana i usvojena.
18. Odlučeno je da se ovlašćuje Sekretar Saveza, gđa **Vesna Travljanin** postupajući po zakonskim regulativama dostavi dopis Federalnom ministarstvu pravde kojim se povlače dopisi od strane g-dina Antona Štitića (34/07 i 35/07).
19. Odlučeno je da Predsjednik Predsjedništva, g-din Ljubo Bešlić uputi informaciju sa II Skupštine Saveza općina i gradova F BiH kao i prijedlog jačanja saradnje između viših nivoa vlasti i jedinica lokalne samouprave. Pisma će biti upućena Parlamentu Federacije BiH (Predstavničkom Domu i Domu Naroda), Vladi Federacije BiH, Federalnom Ministarstvu Pravde, Federalnom Ministarstvu Finansija, Komisiji za lokalnu samoupravu Predstavničkog doma Parlamenta Federacije BiH, Odboru za pravdu, opću upravu i lokalnu samoupravu Doma Naroda Parlamentna Federacije BiH, kao i svim Premijerima i Predsjedavajućim Skupštine Kantona Federacije BiH.
20. Imenovani su g-din Amer Čenanović, načelnik općine Ilidža i gđa Vesna Travljanin, Sekretar Saveza da prisustvuju sastanku sa Evropskom komisijom, zakazanom u utorak 15.05.2007. godine.
21. Usvojena je inicijativa da se u cilju ekspeditivnijeg poslovanja ubuduće materijali za sjednice Predsjedništva šalju elektronskom poštom.
22. Usvojena je inicijativa da Stručna Služba Saveza osmisli i kreira brošuru sa telefonima svih načelnika u Federaciji.
23. Jednoglasno je usvojeno da se slijedeća sjednica Predsjedništva održi u Bugojnu.

Nakon što su sve tačke Dnevnog reda razmatrane, sjednica Predsjedništva zaključena je u 17:00 sati.

Predsjednik Predsjedništva
Ljubo Bešlić, s.r.